

Saksprotokoll i fylkesutvalet - 29.05.2019

Fylkesordføraren gav slikt svar:

Det har ikkje vore forhandlingar/drøftingar mellom byrådet i Bergen og politisk leiing i Hordaland fylkeskommune, det har såleis ikkje vore noe mandat og det har ikkje vore møter å skrive referat frå. Måndag 20.5 inviterte byrådsleiar i Bergen dei ulike kommunane i Nordhordland til dialogmøte om saka. Då vi vart klar over det, bad vi om at politisk leiing i Hordaland fylkeskommune var representert i møtet, og fylkesordfører og fylkesvaraordførar deltok i møtet.

Uavhengig av om byrådet sitt framlegg om endra bomstasjonsplassering i Åsane blir vedtatt i Bergen bystyre og Hordaland fylkesting, meiner eg at det på sikt er naudsynt å samordne dei ulike bompakkane i regionen vår. I pågåande forhandlingar av byvekstavtalen er ikkje samordning av bompengepakkane tema. Etter planen skal byvekstavtalen reforhandlast i 2021, med basis i Nasjonal Transportplan 2022-33. Det vil vere naudsynt å ta opp samordning av bompengepakkane i desse forhandlingane. Det er opp til partane i forhandlingane å ta stilling til dette.